

REGLUGERÐ**um nám í sjúkraiðju barna.****1. gr.**

Sjúkraiðjudeild Barnaspítala Hringingsins er heimilt að halda uppi kennslu í sjúkraiðju barna samkvæmt námsskrá, er yfirlæknir Barnaspítalans setur.

2. gr.

Námstími í sjúkraiðju barna skal vera 1 ár. Inntökuskilyrði er próf frá fósturskóla.

3. gr.

Nemandi, sem lýkur námi í sjúkraiðju barna á fullnægjandi hátt að dómi forstöðukonu sjúkraiðjudeildar og yfirlæknis Barnaspítala Hringingsins, fær um það vottorð, undirritað af þessum aðilum og hefur hann þá öðlast réttindi til að starfa sjálfstætt við barnaspítala (deildir) hér á landi að sjúkraiðju.

4. gr.

Námið er verklegt. Námsgreinar skulu vera þessar:

1. Föndur, mótun leirmuna, pappírsvinna, saumur, vefnaður, bast- og tágavinna.
2. Leikfangagerð og leikfangaval.
3. Teiknun og meðferð lita.
4. Söngur, þ. e. að syngja með börnunum og kenna þeim lög og ljóð.
5. Leiðbeiningar um bókaval barna og æfing í að segja börnum sögur.
6. Leikir barna, er hæfa hverju aldursskeiði.

5. gr.

Stjórnarnefnd ríkisspítalanna gerir námssamning við nema og skal þar kveðið á um launakjör, starfstíma, námstillhögun, sumarleyfi og veikindafrí.

Reglugerð þessi, sem sett er samkvæmt heimild í 8. gr. laga nr. 42/1965 öðlast þegar gildi.

Í dóms- og kirkjumálaráðuneytinu, 19. febrúar 1969.

F. h. r.

Baldur Möller.

Jón Thors.

REGLUGERÐ**um breytingu á reglugerð nr. 88 25. október 1929, um bifreiðatryggingar.****1. gr.**

Vátryggingarfélag, sem hlýtur viðurkenningu til að hafa með höndum vátryggingar ökutækja samkvæmt 70. gr. umferðarlaga nr. 40 23. apríl 1968, skal afhenda dómsmálaráðuneytinu tryggingu að fjárhæð kr. 2 000 000.00 í reiðu fé, með ábyrgð banka, í íslenskum ríkisskuldabréfum eða öðrum innlendum skuldabréfum, sem gild verða tekin, eftir gangverði, sem ráðuneytið ákveður.

Um tryggingarfé þetta gilda að öðru leyti ákvæði reglugerðar nr. 88 25. október 1929.

2. gr.

Vátryggingarfélög, sem hlotið hafa viðurkenningu samkvæmt reglugerð nr. 88 25. október 1929, skulu að fullu hafa lagt fram tryggingarfé samkvæmt 1. gr. fyrir 20. apríl 1970, en fyrir 20. apríl 1969 skulu þau hafa afhent kr. 1 000 000.00 í tryggingarfé.

Hafi tryggingarfé eigi verið afhent samkvæmt framansögðu fellur viðurkenning niður frá og með 1. maí þar á eftir.

3. gr.

Reglugerð þessi, sem sett er samkvæmt 97. gr. umferðarlaga nr. 40 23. apríl 1968, öðlast þegar gildi.

Dóms- og kirkjumálaráðuneytið, 20. febrúar 1969.

Jóhann Hafstein.

Baldur Möller.

Nr. 63.

20. febrúar 1969.

REGLUGERÐ**um fasteignaskatt í Öxarfjarðarhreppi, N.-Þingeyjarsýslu.**

Fasteignaskatt samkvæmt 3. gr. laga nr. 51 10. júní 1964 skal innheimta með 200% álagi í Öxarfjarðarhreppi.

Reglugerð þessi staðfestist hér með samkvæmt lögum nr. 51 10. júní 1964, 5. gr. til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 20. febrúar 1969.

F. h. r.

Hjálmar Vilhjálmsson.

Gunnlaugur Þórðarson.

Nr. 64.

21. febrúar 1969.

GJALDSKRÁ**fyrir Rafveitu Miðneshrepps.****I. RAFORKA**

Rafveita Miðneshrepps selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 7.80 hverja kwst. Við þessu verði skal selja hvers konar notkun raforku, sem ekki kemst undir aðra liði þessarar gjaldskrár.
2. Um kwst.mæli á kr. 3.90 hverja kwst., auk fastagjalds, er nemi kr. 21.85 á hvern fermeter gólfflatar í rúmi því er lýsa skal.

Fullt fermetragjald skal greiða af gólfleti í búðum, skrifstofum og vinnustofum, en fyrir geymslur og ganga skal greiða kr. 10.90 á ári af hverjum fermetra.